



CONVENIO DE COLABORACIÓN ENTRE O CONCELLO DE MOECHE E A ANPA DO CEIP DE SAN RANON DE MOECHE PARA A ORGANIZACIÓN DE ACTIVIDADES

Dunha parte, DONA BEATRIZ BASCOY MACEIRAS, con D.N.I. núm. 32776404R, en calidade de Alcaldesa do Concello de Moeche, e actuando en nome e representación deste. asistida da Secretaria da Corporación D. Consolación Couce Calvo, que da fe do acto.

Doutra parte NATALIA LOPEZ GARRIDO, con DNI núm: 32687479Y en calidade de Presidente da “Asociación de nais e pais do CEIP de San Ramón”, con CIF G15228695, en nome e representación desa entidade.

Ambas as dúas partes recoñécense mutuamente a capacidade para obrigarse na representación que posúen e, polo tanto, para o outorgamento do presente convenio de colaboración e

MANIFESTAN

De acordo co previsto na lexislación vixente as Administracións públicas atópanse habilitadas para concertar os contratos, pactos e condicións que teñan por convenientes, sempre que non sexan contrarios ó interese público, ó ordenamento xurídico e os principios de boa administración.

Así mesmo as normativas estatal e autonómica sobre réxime local habilitan ás corporacións locais para prestar, para a xestión dos seus intereses e no ámbito das súas competencias, toda clase de actividades e servizos públicos que contribúan a satisfacer as necesidades e aspiracións da comunidade veciñal.

Por outra banda a Lei de bases de réxime local prevé que o municipio exercerá, en todo caso, competencias en relación con actividades culturais, ocupación do tempo libre e turismo.

A Base 30.2 das de Execución do Presuposto do Concello de Moeche para o exercicio 2016 establece que

1. A normativa que rexe o procedemento de concesión directa de subvencións vén determinada polos artigos 28 da Lei 38/2003, de 17 de novembro, Xeral de Subvencións e 65 e seguintes do Real Decreto 887/2006, de 21 de xullo, polo que se aproba o Regulamento da Lei Xeral de Subvencións.

2. O procedemento para a concesión destas subvencións iníciase de oficio pola Alcaldía ou Concelleiro delegado, no seu caso, e axustase o establecido na ordenanza Xeral de subvencións do Concello de Moeche, aprobada polo Pleno da Corporación en sesión de 26 de xaneiro de 2.006

3. As subvencións de concesión directa polo Concello previstas no orzamento do exercicio de 2.016 son as seguintes:

- **ANPA.-** Establecese a sinatura dun convenio de colaboración coa ANPA do CEIP SanRamón de Moeche para a organización de actividades extraescolares por un importe de 500 €, con cargo a partida 320.480.00 do orzamento de gastos

Polo exposto, o Concello de Moeche e a “Asociación de nais e pais do CEIP de San Ramón”, en base a eses obxectivos e intereses comúns, acordan subscribir o presente acordo de colaboración en atención ás seguintes:

CLÁUSULAS

PRIMEIRA.- É obxecto deste convenio a colaboración do Concello de Moeche na organización das actividades extraescolares realizadas pola “Asociación de nais e pais do CEIP de San Ramón”, durante o ano 2016.

SEGUNDA.- O Concello de Moeche fará unha achega económica de 500,00 euros no presente ano 2016, en concepto de axuda para sufragar os gastos derivados das actividades deste convenio,

O pagamento desta axuda será aprobado pola Xunta de Goberno Local, estando condicionado ao cumprimento pola entidade do previsto na estipulación cuarta do presente convenio.

O pagamento farase da seguinte maneira:

- A metade do importe da axuda (250,00 euros) aboarase tras a sinatura do presente convenio
- O importe restante farase efectivo tras a xustificación da realización das actividades comprendidas no presente convenio por parte da “Asociación de nais e pais do CEIP de San Ramón”, debendo acreditar a realización dun gasto de, polo menos , o dobre da cantidade concedida

TERCEIRA.- O Concello de Moeche ademais da achega económica que figura arriba comprométese a incluír na súa programación cultural actividades de carácter infantil e familiar que consultará coa ANPA previamente á sus programación

CUARTA.- Pola súa parte a “Asociación de nais e pais do CEIP de San Ramón” asume, entre outras, as seguintes obrigas:

1. Desenvolver actividades extra-escolares ou actividades culturais, lingüísticas, deportivas, formativas, de lecer ou semellantes destinadas aos membros da comunidade educativa do CEIP San Ramón .



2. Colaborar co Concello de Moeche na constitución e organización do futuro Consello Local da Infancia e Adolescencia.
3. A incluír o logotipo do Concello de Moeche en todas as actividades que se desenvolvan ao abeiro deste convenio e a utilizar a lingua galega na súa realización, tanto no plano oral coma no escrito.

QUINTO.- O período de vixencia deste convenio é a presente anualidade de 2016.

A aprobación deste convenio imposibilita á asociación solicitar ao Concello de Moeche outras subvencións para realización das actividades incluídas no mesmo.

SESTA.- Son causas de resolución do presente convenio as seguintes:

- 1) A desviación da axuda concedida para fins distintos dos que motivaron a súa concesión
- 2) O incumprimento por parte da asociación dos requisitos e obrigas establecidas neste convenio
- 3) A falta de xustificación do emprego das contías recibidas
- 4) As contempladas, con carácter xeral, no artigo 37 da Lei Xeral de Subvencións

No caso da resolución do convenios por mor das causas anteditas, *“Asociación Cultural, Deportiva e Recreativa Moeche”* deberá proceder ao reintegro dos fondos efectivamente aboados polo Concello, coa esixencia dos xuros de mora correspondentes dende o momento do pagamento da axuda até a data en que se acorde a procedencia do reintegro.

OITAVA.- O presente convenio subscríbese no ámbito de aplicación da Lei 38/2003, Xeral de Subvencións, polo que aqueles aspectos do convenio que poidan suscitar dúbida serán interpretados en función do prescrito na devandita lei

E en proba de conformidade co anterior, asinan este documento por duplicado o día 31 de maio de dous mil dezaseis.